

illa illius virginis, quæ Christum paritura foret. Si enim Abraam desiderauit videre Christi diem, similiter & prophete, multo magis Maria: Etsi Ioannes præcursor domini prænuiciatus est suo patri Zachariæ in oratione, & in censi positione occupato, multo magis Christus matri suæ in oratione occupatæ annūciatus creditur. Item secundum Alber. supra. Erat etiam pro tunc virgo tota deuotione eleuata per contemplationem ad familiaritatem diuinam dulcedine sensibilis gratiæ repleta miro modo, quasi glorificata mente, & facie etiam (vt pie credo) præ omnibus alijs sanctis, de quibus similia legimus priuilegia habuisse in contemplatione, ut Moysen, Magdalenam, beatum Fraciscum in raptu, & huiusmodi plures res in quibus claritas exterior resurgens fuit testis claritatis internæ &c. Sed qualiter beata virgo tunc putatur fuisse situata cum angelus aduentu dicitur idem Alber. supra & creditur fuisse in curuatis genibus, eleuatis manibus, & erectis in cælum oculis, & angelo uenienti reuerentur assurrexisse propter honestatem, & inclinata capite humiliter stetit, vsquequo locutus est angelus cum ea: eadem iterum flexis genibus, cum lachrymis deuotissime ait, Ecce ancilla domini: fiat mi. &c. Vnde talis modus seruatur apud fideles, cum de manu sacerdotis, quasi angeli, accipiunt corpus Christi in eucharistia. Hæc ille.

*De uisibili saluatione angeli.*

**A**NNUNCIATIO domini quarto, uicet de uisibili, & honorabili modo, & tempore elcto.

Ex charitate Dei claret, quia uoluit angelum uirginem salutantem uisibili forma apparere decenter.

**V**TRVM annunciatio domini ea debuit fieri per angelum uisibiliter salutando. Notandum primo pro præambulo, ex secundum Augusti super Gen. ad litera. 12. lib. triplex est uisio. Una corporalis, sine uisibili. Alia imaginaria, & spiritualis. Tertia mentalis, & intellectus. Prima fit per sensus corporis. Secunda per effigies formatas in potentia imaginati-

ua ad aliquid representandum, puta Deum uel angelum, sicut Esa. 6. uidit dominum sedentem super solium excelsum: Et Ezechiel uidit quattuor animalia representantia quattuor Euangelistas. secundum Greg. & cum hoc significata intellexit: Similiter Ioannes in Apocal. & sic de alijs uisionibus imaginarijs. Tertia est uisio intellectualis, quia intellectu mentis cernitur. Sicut Dauid propheta in psalm. mysteria Christi mente reuelata sibi cecinit &c. Secundo ad quaestum respondetur dicendo secundum Guill. in 3. distinct. 3. parte. 3. q. beata uirginis uisio de angelo fuit perfecta ea Dei charitate, ita q. in ea qualibet prædictarum uisionum fuit impleta. Primo namque ibi debuit esse uisio corporalis, ut probat etiam Tho. 3. parte q. 30. ar. 2. Eih. 3. scripto, di. 3. ar. 2. pluribus rationibus. Prima ratio maioris certitudinis, quia in his quæ uisibiliter & corporaliter cernimus minus decipimur, & certiores efficiuntur, quam in his quæ imaginaria sola uisione apprehendimus: Voluit ergo Deus ex charitate certificare uisione corporali. Secunda ratio maioris similitudinis, ut sic Deus, quæ est inuisibilis ex charitate uoluit corpus humanum assumere, & fieri in carne uisibilis, ita angelus in uisibilis in corpore uisibili appareret.

Tertia ratio uirginalis castitudinis, quæ præcella dignitati uirginis conueniebat, ut charitas Dei talem perfectionem sibi donaret, ut sicut ipsa Dei filium tam mente, quam carne concipiet, ita in ista sacra annunciatione non solum mentali, sed et corporali uisione angeli reseretur.

Secundo ergo in ista apparitione angelii iuxta dictum Guill. fuit etiam uisio imaginaria propter completam, & perfectam interiorum etiam sensuum delectationem, quia ut Dionys. dicit in epistola ad Titum. Hæc est causa, quare sub corporalibus figuris diuina nobis proponuntur, ut utraque hominis uita. scilicet sensitua exterior, & interior, ac intellectua secundum suam proprietatem diuina contemplatione illuminetur, & delectetur. Vnde patet q. beata uirgo cum aperta uisione angeli habuit etiam imaginationes suauissimas de diuinis, dum cogitabat qualis esset ista saluatio, licet prius fuerit pau-

scens,

Greg.

Thom.

Dionys.

§. 20.

Aug. Triplex uisio.